

普安直隸廳志卷之十三

武備志

兵制

師旅考

上下

三代寓兵於民後代以民養兵而兵民遂分爲二天下財賦半耗於伍符尺籍之中而兵且益竄一旦有事不能得一兵之用論者每致惜於古制之不可復亦不盡然也漢之南北軍郡國兵唐之府兵宋之禁兵廂兵元之五衛萬戶明之京兵衛所兵邊兵內外相制大小相維皆足以靖內難而威四夷初制非不

普安廳志

卷十三

一

善也及其流弊則更立一法以救之愈救愈失而良法蕩然矣天下事何一無流弊察其致弊之所由取舊制而申明之而天下事固無不治我

朝以騎射開基兵制特詳分作三軍別以八旗悉編

禁旅內衛

神京其分戍外省者爲駐防裁勝國衛所改設鎮協參遊而綠營之制一新普安彈丸地亦復上煩

睿慮置汎分防隱然有碁布星羅之勢蓋自

聖祖蕩平吳逆民不知兵者二百年

武功之赫震古鑠今勁旅雄師列營相望雖百年無事焉
可也

承平日久將若兵安享無事之福驕惰成習而羣盜乃突
起相乘天下無完邑而普安且無完里諸營兵非亡
則虜無得免焉當是時也全黔糜爛糧竭援絕逆回
方置酒高會以爲莫余毒也然而忠義之士蹈死如
飴豪傑之徒乘時投袂相持十餘年屢蹶屢奮卒能
摧破亂黨轉危爲安逆回目無官兵初不意斯民感
累朝休養生息之

恩而矢心圖報者固盡人皆兵也修我矛戟作王干城野
人負禦侮之才婦女知敵愾之義三代遺風於茲未
墜矣嗚呼食其祿者忠其事民猶如此而況於士卒
乎而況於將率乎志武備

普安直隸廳志卷之十三

武備

兵制

明

普安衛轄千戶所六

安南所

渭所 江初在楊那山正統中徙羅

安隆所

興所 義城在府今

樂民所

樂所 民城在里今

平彝所

平所 彝城在里今

普安廳志

卷十三

中左所

義所 縣城在左今興

中右所

縣所 中城在右今魯興義屯

按明制衛轄所惟守禦千戶所不隸衛直隸都指

揮安南安隆為守禦千戶所興義府志謂二所不

隸普安衛據明史職官志為斷而以明史地理志

安南安隆二所屬普安衛之說為非考大定府志

載大定府明代設衛三曰烏撒曰畢節曰赤水守

禦千戶所三曰七星關曰阿落密曰前所洪武二

十一年置守禦七星關千戶所初隸烏撒衛永樂

中改屬畢節衛赤水衛領所四其二即阿落密前所皆終明世不改然則守禦千戶所直隸都指揮者其大同也隸衛者其小異也今依明史地理志列安南安隆二所於普安衛之下仍俟再考

又按明志衛轄五所普安衛僅得樂民平彝中左中右四所若合安南安隆二守禦千戶所則又六所與制不符考平播後設威遠衛與府同城李化龍善後疏云應設指揮使一員同知二員僉事二員鎮撫一員經歷一員知事一員所屬前後中左

右五所每所正千戶一員副千戶一員百戶四員所軍各一千共五千已微與定制異矣遵義舊志云威遠衛有掌印指揮又有管屯指揮餘官並具惟無知事又云威甯衛在府治左立所三鎮撫經歷各有定員置軍一千二百名是設衛時不盡依李議亦不盡依定制也赤水衛領所四^{上見}亦不盡符定制然則普安衛所領之所或四或六當係因地立制不必以他衛之例相繩也抑或中所即設於衛城而兩守禦所不隸衛耶衛所之官員兵丁

依制與否不可知樂民平彝二所誰爲前所誰爲

後所亦不可知缺以俟考舊志樂民平彝安南安隆四所各守禦千戶一

是平彝樂民亦守禦千戶所也不知所本

國朝

康熙二十二年裁普安衛置普安營舊志謂裁衛置營在二十六年

冊與營異設守備一員千總一員把總二員兵二百八十

名內馬戰兵二十八名步戰兵一百一十二名守兵

一百四十名存城守備一員把總二員兵一百八十

名分防亦資孔汎千總一員兵一百名

普安廳志

卷十三

三

雍正七年設經制外委把總一員仍食本名馬糧

七年移驛道於劉官屯設劉官屯汎分防劉官屯汎

把總一員兵五十名存城守備一員把總一員外委

把總一員兵一百二十九名

十一年改守備爲都司十一月十九日頒到都司關

防一顆

乾隆二年增兵二百二十名凡五百名內馬戰兵四

十九名步戰兵二百名守兵二百五十名增設經制

千總二員外委把總四員分左右二哨改安南營分

防之楊松礮子窰烈當三汎歸營轄於是都司一員千總三員把總七員分防楊松汎把總一員兵十五名分防礮子窰汎千總一員兵一百名分防烈當汎把總一員兵五十名分防亦資孔劉官屯者如故餘存城

七年裁外委把總一員兵六十名內存城兵四十名礮子窰汎兵二十名

十年撥存城兵五名礮子窰汎兵三十名增楊松汎兵凡五十名

二十年移礮子窰官兵駐白沙汎移楊松官兵駐上寨汎裁烈當汎撥原防兵二十名增白沙上寨二汎又撥十一名增劉官屯汎撤把總一員兵十九名歸城營於是城營增把總一員有兵一百五十七名劉官屯兵六十一名白沙兵六十名上寨兵六十名

二十七年設額此外委把總二員仍食本馬糧

三十四年設額此外委把總一員仍食本馬糧

四十四年裁新設額此外委把總三員

四十七年裁養廉虛兵三十八名公糧虛兵十三名

冗糧虛兵七名分防亦資孔兵九十五名劉官屯兵五十七名白沙上寨兵各五十六名存城兵一百一十四名實存馬步兵丁三百八十二名五十一年改普安營都司移駐安南營改安南營遊擊守備移駐普安營撥提標兵一百二十名增本營於是有遊擊一員守備一員兵五百二名分防亦資孔汎守備一員千總一員外委把總一員兵一百四十名分防劉官屯上寨白沙各把總一員兵六十名餘存城

咸豐三年裁兵五十一名

同治元年廳城失陷關防軍裝皆毀失先是營兵奉調出征沒於王事者幾三百人至是無一存者二年城復大府僅委各官到營原額兵丁未及募補

光緒三年貴州巡撫黎培敬 奏復黔省綠營兵五成普安營復設兵二百二十七名內馬戰兵十一名步戰兵一百名守兵一百十六名

五年十月貴州巡撫岑毓英 奏改防勇爲練軍撥廳營馬步戰兵歸練軍營實存守兵二百三十二名

九年二月裁綠營兵二成本年裁兵四十六名實存
守兵一百八十六名

十一年四月裁外委一員

見制普安營遊擊一員千總二員把總四員外委一
員守兵一百八十六名存城遊擊一員千總一員把
總一員外委一員兵六十九名分防亦資孔汎守備
一員千總一員兵五十一名分防劉官屯汎把總一
員兵二十二名分防上寨汎把總一員兵二十二名
分防白沙汎把總一員兵二十二名

城營僻路六塘

水塘塘 撒麻塘 輓橋塘 華納塘 鸚哥卡塘

本城塘各塘兵一名

亦資孔汎大道十塘

永安塘 硝碕塘 魯尾塘 蛾螂塘 亦資孔塘

大坡塘 海子塘 平彝所塘 馬桑卡塘 馮家

庄塘各塘兵一名

劉官屯大道七塘

本汎塘 舊營塘 楊松塘 大山了塘 支家屯

塘 大山凹塘 陸官屯塘各塘兵

上寨汛大道六塘

上寨了口塘 南車塘 礮子窩塘 上寨本汛塘

中寨塘 崧巋塘各塘兵

白沙大道八塘

本汛塘 舍基塘 半坡塘 丁寨塘 老鷹卡塘

花貢塘 安黑塘 花市塘各塘兵

按廳營文卷遺失無存茲僅就營中來冊刪其繁
冗而備書裁減年月營汛官兵數目於冊以存舊

制舛否不可知至官兵數目前後參差無憑考証
仍之

普安直隸廳志卷之十三

武備

師旅考 上

莊躄

後漢書
作莊豪

楚人莊王裔孫初爲盜吏弗能制後爲

楚將頃襄王遣躄沂沅水出且蘭以伐夜郎椽船於岸而步戰於是且蘭旣克夜郎又降遂至滇池旁平地肥饒數千里以兵威定屬楚欲歸報會秦擊奪楚巴黔中郡道塞不通因還以其眾王滇變服從其俗以長之以且蘭有椽船處乃改其名爲牂柯以旌其

普安廳志

卷十三

一

伐公侯支黨傳數百年

建元六年太行王恢擊東越

按本紀在
六年八月

東越殺王郢

以報恢因兵威使番陽令唐蒙風指曉南越南越食蒙枸醬蒙問所從來曰道西北牂柯牂柯江廣數里出番禺城下蒙歸至長安問蜀賈人賈人曰獨蜀出枸醬多持竊出市夜郎夜郎者臨牂柯江江廣百餘步足以行船南越以財物役屬夜郎西至桐師然亦不能臣使也蒙乃上書說上曰南越王黃屋左纛地東西萬餘里名爲外臣實一州主也今以長沙豫章

往水道多絕難行竊聞夜郎所有精兵可得十餘萬
浮船牂柯江出其不意此制越一奇也誠以漢之強
巴郡之饒通夜郎道爲置吏甚易上許之乃拜蒙爲
中郎將將千人食重萬餘人從巴蜀笮關入遂見夜
郎侯多同蒙厚賜喻以威德約爲置吏使其子爲令
夜郎旁小邑皆貪漢繒帛以爲漢道險終不能有也
乃且聽蒙約還報乃以爲犍爲郡發巴蜀卒治道自
犍道指牂柯江元鼎五年南粵反使越馳義侯遣別
將巴蜀罪人發夜郎兵下牂柯江咸會番禺且蘭君

恐遠行旁國虜其老弱乃與其眾反殺使者及犍爲
太守漢乃發嘗擊南粵者八校尉擊之會粵已破漢
八校尉不下中郎將郭昌衛廣引兵還行誅隔滇道
者且蘭斬首數萬遂平南夷爲牂柯郡夜郎侯始倚
南粵南粵已滅還誅反者遂入朝以爲夜郎侯
呂破胡官水衡都尉漢昭帝始元元年夏益州廉頭
姑繒反殺長吏牂柯談指同並等二十四邑皆反凡
三萬餘人帝遣破胡募吏民發蜀郡犍爲奔命萬餘
人擊牂柯大破之

河平中夜郎王興與鉤町王禹按本書紀云始元六年

率其邑君民擊反者斬首獲漏臥侯俞更舉兵相攻

牂柯太守請發兵誅興等議者以爲道遠不可擊乃遣太中大夫蜀郡張匡持節和解興等不從命刻木象漢吏立道旁射之杜欽說大將軍王鳳曰太中大夫匡使和解蠻夷王侯王侯受詔已復相攻輕易漢使不憚國威其效可見恐議者選奕復守和解太守察動靜有變乃以聞如此則復曠一時王侯得收獵其眾深固其謀黨助眾多各不勝忿必相殄滅自知

普安廳志

卷十三

三

罪成狂犯守尉遠藏温暑毒草之地雖有孫吳將賁育士若入水火往必焦没知勇亡所施屯田守之費不可勝量宜因其罪惡未成未疑漢家加誅陰敕旁

郡守尉練士馬大司農豫調穀積要害處師古曰要

爲要在敵選任職太守往以秋涼時入誅其王侯尤

不軌者即以爲不毛之地亡用之民聖王不以勞中國宜罷郡放棄其民絕其王侯勿復通如以先帝所立累世之功不可墮壞亦宜因其萌芽早斷絕之及已成形然後戰師則萬姓被害大將軍鳳於是薦金

城司馬陳立爲牂柯太守立前爲連然長不韋令蠻夷畏之及至牂柯諭告夜郎王興興不從命立請誅之未報迺從吏數千人出行縣至興國且同亭召興興將數千人往至亭從邑君數十人入見立立數責因斷頭邑君曰將軍誅亡狀爲民除害願出曉士眾以興頭示之皆釋兵降鉤町王禹漏臥侯俞震恐入粟千斛牛羊勞吏士立還歸郡興妻父翁指與興子邪務收餘兵迫脅旁二十二邑反至冬立奏募諸夷與都尉長史分將攻翁指等翁指據阨爲壘立使奇

兵絕其饗道縱反間以誘其眾都尉萬年曰兵久不決費不可共引兵獨進敗走趨立營立怒叱戲下令格之都尉復還戰立引兵救之時天大旱立攻絕其水道蠻夷共斬翁指持首出降

諸葛亮字孔明瑯琊人官蜀漢丞相昭烈帝崩高定恣睢於越巂雍闓跋扈於建甯朱褒反叛於牂柯亮南征由水陸入越巂而別遣馬忠伐牂柯李恢向益州夏五月亮渡瀘時雍闓爲高定部曲所殺孟獲代闓爲主亮與獲戰生虜之赦使還合軍更戰七虜七

赦獲止不去曰丞相天威也南人不復反矣亮平定
牂柯諸郡乃分建甯牂柯置興古郡以馬忠爲牂柯
太守

章武元年庾隆都督鄧方卒先主問恢誰可代者恢
對曰人之才能各有短長故孔子曰其使人也器之
且夫明主在上則臣下盡情是以先零之役趙充國
曰莫若老臣臣竊不自揆惟陛下察之先主笑曰孤
之本意已在卿矣遂以恢爲庾隆都督使持節領交
州刺史住平彝縣後主建興三年丞相諸葛亮南征

別遣馬忠代牂柯恢向益州恢案道向建甯諸縣大
相糾合圍恢軍於昆明時恢眾少敵倍又未得亮聲
息給謂南人曰官軍糧盡欲規退還吾中間久斥鄉
里乃今得還不能復北欲還與汝等同計謀故以誠
相告南人信之故圍守怠緩於是恢出擊大破之追
奔逐北南至盤江東至牂柯與亮聲勢相接南土平
定恢功居多

馬忠字德信閬中人從丞相亮南征亮遣馬忠代牂
柯破之

張嶷字伯歧南充人南夷豪率劉胄反嶷隨馬忠討平之後牂柯興古獠種復反忠令嶷領諸營往討嶷招降二千餘人悉傳詣漢中賜爵關內侯

王遜字邵伯魏興人仕郡察孝廉累遷魏興太守惠帝末西南夷叛甯州刺史季毅卒故吏毛孟詣洛求救且請刺史至欲自刎朝廷憐之乃以遜爲甯州刺史南夷校尉時荒亂後倉無斗粟眾無一旅官民虛竭繩紀弛廢遜惡衣菜食招集夷民夷徼厭亂漸亦返善勞來不怠數年克復以五茶夷昔爲亂首圖討

之未有致罪會夷發夜郎莊王墓遜因此遂討滅之及討惡獠剛夷數千落威震南方官至平西安南將軍又兼益州刺史加散騎常侍封褒中伯而嚴猛太過多所誅鉏犍爲太守朱提雷炤流民陰貢平樂太守董霸破牂柯平夷南廣北降李雄建甯爨量與益州太守李易梁水太守董懂保興古槃以南叛雄遣叔父驤破越巂伐甯州遜使使督護雲南姚崇距驤於螳螂縣違遜指授雖大破驤不獲遜以崇不窮追也怒囚羣帥執崇鞭之怒甚髮上衝冠冠爲之裂夜

中卒

大德五年雲南土官宋隆濟叛水西土官之妻蛇節以其眾應之時雲南行省右丞劉深將兵征八百媳婦由順元入雲南調民供餽宋隆濟因給其眾曰官軍征伐汝等將盡剪髮黥面爲兵身死行陣妻子爲虜眾惑其言遂叛蛇節亦以劉深脅取其金三千兩馬三千匹遂偕烏撒烏蒙東川芒部及武定威楚普安諸蠻以應焉六年三月命也速耨兒分道率師討平之

普安廳志

卷十三

七

景雙鼎字純陽上元人嫺將略驍勇善戰初元末從軍隸元將王部下至正十七年偕志歸明太祖以積功授光祿大夫都督同知洪武六年雲貴尙爲元守太祖命雙鼎守廣西泗城等二十四土司以圖進取雲貴且命便宜從事擇地駐劄雙鼎受命乃自泗城攻取元之普安路駐劄於黃坪即今興義縣黃坪營其攻取之地東至香樹塘南至捧鮓即今興義縣捧鮓營西至梅家山北至營盤山之逃軍洞今廳地而雲貴屯衛自此起矣後

卒於黃坪子孫遂家焉

見景雙鼎墓志

傅友德字惟學宿州人

山或云礪山人

太祖功臣封潁川侯

洪武十四年爲征南將軍藍玉沐英副之將步騎三十萬趨貴州由普定進克普安降諸苗循格孤山而南通永甯兵叙功進封潁國公子世券二十一年越州土酋阿資與普山府土知府普旦同反陷普安燒府治大肆剽掠友德率兵擊之斬其營長二十二年進攻普旦來降阿資退屯普安倚崖壁爲寨友德以精兵蹙之蠻眾皆緣壁攀崖墜死者不可勝數生禽一千三百餘人獲馬畜甚眾阿資遁還越州復追擊

敗之斬其黨五十餘人阿資窮蹙請降二十六年賜死嘉靖中因何孟春奏請立祠祀之

沐崑襲國公爵洪治十二年嘗平普安賊正德二年阿本作亂崑伏軍盤江截賊巢大破之七年安南長官司那代爭襲殺崑討擒之卒贈太師謚莊襄仇成含山人太祖功臣封安慶侯從傅友德南征平普安諸苗成之功居多

張銓定遠人亦太祖功臣從傅友德平普安苗封永甯侯

永樂元年故貢甯安撫者昌之子慈長言建文時父任是職宜襲吏部罷之本境地瀾民稠輸糧三千餘石乞仍前職報效命仍予安撫十三年慈長謀占營長地且強娶民人婦爲妾殺其夫闔其子事聞命布政司孟驥按狀慈長糾兵萬餘圍驥驥以計擒之逮至京死於獄

蕭授華容人官貴州總兵宣德二年普安諸苗相聚爲寇授且捕且撫諸苗後先聽命承旨赦之七年又諭降安隆酋岑俊後官至左都督卒諡靖襄

王軾字用敬公安人天順八年進士宏治十三年拜南京戶部尙書十六年兼左副都御史督貴州軍務討普安夷婦米魯平之米魯者普安州土判官隆暢後妻也嘗以忤暢出居其父霑益土知州安民家暢前妻子禮因暢老奉朝命替暢爲判官而聽營長阿保讒父子間不相能魯覘知之諷阿保使禮迎己同室居禮因烝魯暢聞大怒立殺禮燬阿保寨阿保乃挾魯及統其子阿鮓莫阿歹兒攻暢暢敗竄之雲南時東甯伯焦俊爲總兵官與巡撫錢鉞召阿保及暢

曲爲調釋而讐以官法各唯唯於是魯遂陰中暢毒暢死阿保與魯據寨反會暢有妾適烏生二子曰珀曰瑤居安南堡魯欲并殺珀瑤絕暢後於安南城外築阿先硬寨於普安州拖長江諸處令阿鮚莫阿歹兒互爲防守更名所居寨爲承天寨號無敵天王出入建黃纛御史張淳飭捕之不克賊益橫鎮巡官以聞十一年乃命發十衛官軍及諸長官司土兵萬三千人餘分道進兵且召安民責以匿賊狀使殺賊自贖安民乃率土兵攻斬阿保父子於查刺寨魯走匿

安民家安民陰資魯兵五百襲殺適烏及二字珀瑤密遣營長福祐隨魯據別寨肆殺掠且投牒鎮巡乞以女土官襲職巡撫錢鉞及副使周鳳都指揮劉英吳遠指揮任禮張英楊芳太監楊友總兵官焦俊皆受魯賄請宥魯聽襲朝議獨不可切責之必得魯乃已會副使劉福自謂知兵眾倚之進討營於阿馬坡而福仍作移文取賊賂賊憤甚乃襲殺周鳳吳遠劉福等執楊友而布政司閻鉦指揮史韜李雄郭仁李忠武等皆轉戰死上乃命軾及巡撫陳金都指揮李

政等統官軍進勦奪楊友還破阿舊阿滿阿黑阿維二十餘寨斬寨首阿烏阿宗及福祐子阿咎而米魯福祐皆走匿馬尾籠大兵合圍攻益急土官鳳英等格殺米魯餘黨悉平下安民於獄既而赦之正德元年暢族土婦適擦襲土判官職親赴京朝賀貢馬上甚嘉之或曰適擦亦暢妾

張淳合肥人宏治中官貴州巡撫監王軾軍平米魯之亂厥功甚偉

曹祥字應麟歙縣人正德中官貴州巡撫普安苗阿則糾黨煽亂祥帥師平之武宗暢璽書金幣慰勞

傅宗龍字仲綸昆明人進士天啟三年官貴州監軍初天啟二年宗龍官御史時黔苗安邦彥反土寇蜂起宗龍上疏自請任戰疏言攻圍普安爲滇黔門戶患者龍文治妻及其黨尹二困安南據關索嶺者沙國珍及羅應魁輩爲武定尋甸患者土司祿萬鍾爲霑益羅平患者賊婦設科困烏撒者安效良臣皆悉其平生非臣敵臣願以巡按兼貴州監軍滅此羣醜熹宗大喜下部議會宗龍以疾歸不果行明年黔撫

王三善爲降賊陳其愚所給敗沒乃起宗龍以巡按監貴州軍征苗初部檄滇撫閔洪學援黔以不能過盤江而止按時盤江鐵索橋尚未建及宗龍即家奉詔自滇遄行洪學命參政謝存仁參將袁善士官普名聲等以兵五千送行宗龍由安南普安戰且行直渡盤江寇盡破乃遣謝存仁等以土兵七百馳赴貴陽擒斬陳其愚軍心大快後以積功官至兵部尙書崇禎中命總督陝西三邊軍務勦李自成時自成有眾五十萬宗龍與戰於龍口勝之追賊遇伏諸將潰走宗龍被圍血戰五日食盡殺馬以食軍士馬盡殺賊取屍以食既而矢與火藥俱盡乃夜半突圍出殺賊千人且戰且走未至頂城六里賊追及被執賊執宗龍至頂城呼門者曰啟門納傳督宗龍大呼曰勿啟門我不幸陷賊復罵賊曰我大臣殺則殺耳豈爲賊賺城以緩死賊抽刀擊宗龍中腦劓耳鼻死事聞莊烈帝曰可謂盡忠矣贈太子少保謚忠壯廕子予祭葬

趙廷臣字君憐鐵嶺人後隸漢軍鑲黃旗順治十五年爲貴州巡撫時大兵南征盤江鐵索橋爲李定國